

Kantoni ne smiju podrivati vlast BiH

Visoki predstavnik, lord Ashdown i šef Misije OSCE-a u BiH, ambasador Beecroft sastali su se jučer kako bi razmotrili put prema napretku reforme obrazovanja, u svjetlu stalnih obstrukcija koje su rezultirale sa nedavnim gubitkom miliona dolara međunarodne finansijske pomoći. Oni su posebno razmotrili posljednji problem kojije nastao, ustvari odbijanje Posavskog, Srednjobosanskog, Hercegovačko-neretvanskog i Zapadnohercegovačkog kantona da usklade svoje Zakone o osnovnom i srednjem obrazovanju sa Okvirnim zakonom na državnom nivou.

Ovaj zakon na državnom nivou, potreban kako bi BiH ispunila svoje međunarodne obaveze, je usvojen uz podršku svih stranaka u državnom parlamentu u junu. Posle toga, svi niži nivoi vlasti su bili obavezni da usklade svoje zakone sa istim na državnom nivou. Također, ovo je potrebno kako bi BiH ispunila obaveze nakon prijema u članstvo Vijeća Evrope i za uspješno zaključenje studije izvodljivosti Evropske unije. Distrikt Brčko, Republika Srpska, Unsko-sanski, Tuzlanski, Zeničko-dobojski, Bosansko-podrinjski i Kanton Sarajevo su potpuno uskladili svoje zakone. Nažalost, vlasti u Posavskom, Srednjobosanskom, Hercegovačko-neretvanskom i Zapadnohercegovačkom kantonu odbile su da prilagode svoje zakone, dovodeći tako sebe u direktan sukob sa državom BiH i njenim međunarodnim obavezama. Stranke koje su odgovorne za odbijanje usaglašavanja sa državnim zakonom su, prije svega HDZ, ali i SDA i SBiH također.

U svojoj izjavi, Visoki predstavnik je rekao:

“Ono što imamo priliku da vidimo ide daleko iza pitanja obrazovanja. Očigledno nepoštivanje državnog parlamenta,

Ustava BiH i principa sadržanih u Dejtonskom mirovnom sporazumu od strane ovih kantona predstavlja ne malu uvredu vlasti. U federalnoj državi, sukobi između različitih nivoa vlasti su razlog za zabrinutost. Ovdje takav sukob predstavlja jasnu i prisutnu opasnost prema državi.”

“Oni koji tvrde da podržavaju izgradnju države ne mogu sjediti skrštenih ruku dok niži nivoi vlasti odbijaju da provedu jednoglasno izraženu volju državnog parlamenta. Ako stranke u Posavskom, Srednjobosanskom, Hercegovačko-neretvanskom i Zapadnohercegovačkom kantonu ne poduzmu nešto, onda ću ja morati. Ustavna nadređenost državnog parlamenta mora biti potvrđena. Oni koji dovode u pitanje ovaj princip moraju se smatrati odgovornim.”